

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće**

Broj: 01/1-16-Z/26
Kakanj, 31.03.2026. godine

Z A P I S N I K
sa 16. redovne sjednice Općinskog vijeća održane 31.03.2026. godine (utorak)
u sali Općinskog vijeća sa početkom u 09:00 sati
(sažetak zapisnika)

Predsjedavajući Općinskog vijeća Slaven Katičić je pozdravio prisutne i otvorio 16. redovnu sjednicu Općinskog vijeća.

Nakon intoniranja himne BiH, predsjedavajući je pozvao Maju Benić da da svečanu zakletvu pri preuzimanju dužnosti članice Općinske izborne komisije Kakanj.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Hamza Vahid El-Din, Amel Kusić, Dženan Ajdinović, Tarik Hodžić, Edin Čatić, Ilhana Alajbegović, Sanda Hasagić-Terzić, Mustafa Subašić, Ilda Arnautović i Izudin Hrusto (naknadno pristupio) (**SDA**)

Sanel Šabanović, Mensur Čehajić, Senad Softić, Vinka Aletović, Adem Bečirhodžić, Edin Šljivo i Irna Imamović (**SDP BiH**)

Adnan Demir i Mirnes Pipo (**NV**)

Dževdet Huskić i Branko Češljčić (**NS**)

Mirsad Tursum i Fahrudin Buza (**NiP**)

Nermana Mehić (**SN**)

Rešad Merdić (**S BiH**)

Slaven Katičić (**HDZ BiH**)

Armin Bašić (**DF**)

Mujo Fafulić (**nacionalne manjine**)

Odsutni vijećnici: Mirela Kubura (**SN**) i Mensur Bliznović (**NV**).

Predsjedavajući je konstatovao da je na sjednici u momentu prijave prisutno 27 vijećnika i vijećnica, te su se stekli svi potrebni uslovi za validan rad i odlučivanje Općinskog vijeća.

Pored vijećnika sjednici su prisustvovali:

Mirnes Bajtarević, općinski načelnik

Emir Zaimović, sekretar Općinskog vijeća

Ramiz Hasić, pomoćnik općinskog načelnika za finansije

Mirza Fazlić, pomoćnik općinskog načelnika za privredu, urbanizam i zaštitu okoline

Edin Aliefendić, pomoćnik općinskog načelnika za društvene djelatnosti, boračka pitanja, raseljena lica, izbjeglice i povratnike

Nurudin Hrusto, pomoćnik općinskog načelnika za civilnu zaštitu

Bahrudin Arnaut, pomoćnik općinskog načelnika za opću upravu radne i zajedničke poslove, lokalnu samoupravu i mjesne zajednice

Mahir Sikira, šef Stručne službe za poslove općinskog načelnika

Izudin Puščul, direktor Zavoda za planiranje i izgradnju Općine Kakanj

Haris Veispahić, savjetnik općinskog načelnika

Izjestioci, obrađivači, gosti

Elvedin Mamela, općinski pravobranilac

Amir Dedić, predsjednik Komisije za izradu izmjena i dopuna Odluke o organizaciji i sigurnosti saobraćaja na putevima

Nihad Tukić, predsjednik UO JU „Kulturno-sportski centar“ Kakanj

Alem Škulj, predsjednik NO Turističke zajednice Općine Kakanj

Aldin Čatić, direktor Udruženja „Razvojni centar općine Kakanj“

Predstavnici medija

NTV IC Kakanj

Radio Kakanj

Napomene o radu Kolegija Općinskog vijeća

Predsjedavajući je napomenuo da je u pripremi 16. redovne sjednice Općinskog vijeća, Kolegij održao sjednicu dana 23.03.2026. godine i razmatrao pristigle predstave, prijedloge i inicijative, te je po istima zauzeo stavove i prosljedio ih nadležnim službama i organima na daljnje postupanje.

Usvajanje zapisnika sa 15. redovne sjednice Općinskog vijeća

Nije bilo primjedbi na zapisnik i isti je usvojen jednoglasno sa 26 glasova ZA.

Komentari na dostavljene odgovore na vijećnička pitanja

Dževdet Huskić: je komentarisao odgovor JP „Vodokom“ na vijećničko pitanje postavljeno u vezi skraćenice (DPO) na računima istog preduzeća. Rekao je da je analizirao svoj račun za usluge JP „Vodokom“ i da nije utvrdio, niti se to iz računa može zaključiti, kada je nastao konkretni dug. Ovo ponaročito ako se uzme u obzir da je svoje obaveze prema tom preduzeću „nulirao“ kada je došlo do povećanja cijena usluga Vodokoma. Iz zaprimljenog odgovora se ne vidi od kada datira eventualni dug, niti je to vidljivo iz računa, pa će tražiti dopunu odgovora.

Komentari na dostavljena mišljenja na vijećničke inicijative

Armin Bašić: je rekao da je dobio odgovor na vijećničku inicijativu sa prethodne sjednice kojom je tražio uređenje saobraćajne signalizacije na cestama u užoj gradskoj jezgri. U odgovoru je navedeno da inicijativu nije moguće realizovati, jer predmetno nije predviđeno saobraćajnim projektom. Rekao je da taj projekat datira od 2019. godine i da je od tada bilo značajnih promjena u režimu saobraćaja u užoj gradskoj zoni, posebno od kako je izgrađena nova saobraćanica (ulica Darivalaca krvi). U tom kontekstu je pitao koja je procedura za izmjenu saobraćajnog projekta, odnosno proširenja opsega istog.

Vijećnička pitanja

Dževdet Huskić: je postavio dva vijećnička pitanja. Prvo pitanje je koliko novca je iz Općine Kakanj usmjereno na konkretne projekte za rekonstrukciju, poboljšanje i proširenje mreže daljinskog grijanja u preduzeću „Energokom“ (ex JP „Grijanje“) u periodu od 2015-2025. godina? Naveo je da, prema javno dostupnim podacima iz EP BiH, u posljednjih 11 godina je u Budžet Općine Kakanj iz tog JP uplaćeno po osnovu pet vrsta naknada, ukupno 70.119.827,00 KM, te je s toga pitao koliko novca je, od uplaćenih 70 miliona KM, usmjereno na konkretne projekte na rekonstrukciju, poboljšanje i proširenje mreže daljinskog grijanja u periodu 2015-2025. godina i koji su to projekti? Drugo pitanje je uputio „Energokom“ d.o.o. Kakanj i pitao koliko su imali telefonskih pritužbi na uslugu isporuke toplotne energije od strane korisnika u toku dosadašnjeg dijela sezone grijanja? Naime, u odgovoru na Zaključak Kolegija od 27.02.2026. godine, je navedeno da je bilo samo 5 pisanih zahtjeva za utvrđivanje kvalitete grijanja, pa ga zanima koliko telefonskih pritužbi je bilo, ako se zna da građani kad imaju problem obično zovu telefonom ili izražavaju nezadovoljstvo na društvenim mrežama.

Adnan Demir: je postavio vijećničko pitanje da li je razmatrana inicijativa upućena od više mjesnih zajednica, a koja se odnosi na izmjenu Prostornog plana Općine Kakanj s ciljem zaštite prirodnog područja u neposrednoj blizini naselja Mioči, te koji su zaključci doneseni s tim u vezi? Podsjetio je da je Općinskom vijeću je upućena inicijativa od strane mjesnih zajednica kojom se traži izmjena Prostornog plana Općine Kakanj s ciljem zaštite prirodnog područja u neposrednoj blizini naselja Mioči. Traži da mu se odgovori koje su konkretne pravne aktivnosti poduzete od strane nadležnih općinskih organa do sada u vezi sa pokušajem obnove okolinske dozvole od strane „Bioorganika“ d.o.o. Kakanj, te da li nadležni općinski organi razmatraju izmjenu Prostornog plana Općine Kakanj kao pravno održiv i preventivan mehanizam za onemogućavanje izgradnje spomenute spalionice animalnog otpada?

Vijećničke inicijative

Hamza Vahid El-Din: je pokrenuo dvije vijećničke inicijative. Prva inicijativa za izgradnju kanalizacione mreže u naselju Rošćevina. Naveo je da je informisan od mještana naselja Rošćevina da to naselje nema izgrađen sistem kanalizacione mreže, odnosno da je odvodnja otpadnih voda organizovana na individualnom nivou, tj. na nivou domaćinstva. U ime mještana naselja Rošćevina apelovao je da Zavod u skladu sa svojim mogućnostima i operativnim planovima, u budućnosti planira izgradnju kanalizacione mreže, kako bi se na organizovan način riješio problem odvodnje otpadnih voda, što bi bilo od izuzetnog značaja za mještane Rošćevine. Druga inicijativa je za zaštitu prirodnog, kulturnog i historijskog područja kod naselja Mioči. Naveo je da od skretanja sa regionalne ceste prema naselju Mioči protiče manja rijeka, čiji tok, biološka raznolikost i čistoća predstavljaju važan resurs, koji zaslužuje institucionalnu zaštitu. Dodatno, prema navodima lokalnog stanovništva, na ovom području se nalaze izvori tople vode, kao i ostaci starih grobalja nepoznatog perioda nastanka. S toga smatra da je kroz pokretanje procesa izmjene Prostornog plana Općine Kakanj potrebno zaštititi ovo područje.

Ilda Arnautović: je pokrenula vijećničku inicijativu za uređenje pješačke staze iznad zgrada M1 i M2 koja vodi prema gradskoj pijaci i tržnom centru „Best“. Na pomenutom lokalitetu se nalazi neuređena pješačka staza koju svakodnevno koristi veliki broj građana, posebno tokom pijačnog dana. Staza je od posebnog značaja za starije osobe jer predstavlja najkraći i najpristupačniji put do pijace i okolnih sadržaja. Ista je trenutno neuređena, bez rasvjete i osnovne komunalne infrastrukture, što otežava kretanje i smanjuje sigurnost naročito u večernjim satima i tokom loših vremenskih uslova. Otvaranjem tržnog centra „Lidl“ očekuje se dodatno povećanje frekvencije pješaka. Iz tog razloga je predložila da se: izvrši uviđaj stanja na terenu; - očisti i uredi staza; - izvrši nasipanje ili trajno uređenje (popločavanje gdje je moguće); - postavi javna rasvjeta; - postavne klupe i kante za otpad; - razmotri trajno uređenje staze kao zvanične pješačke komunikacije.

Dževdet Huskić: je pokrenuo dvije vijećničke inicijative. Prva inicijativa da se Općina Kakanj više fokusira na dobrobit i uspjehe domaćih kompanija i lokalnih privrednika nego na promociju stranih brendova i kompanija koje dolaze van granica naše općine. Osvrnuo se na posljednju u nizu objava na FB stranici „Općina Kakanj – načelnik“ o mogućem preuzimanju lokalne benzinske pumpe od strane „Bingo Petrol“. Smatra da Općina treba više djelovati na promociji, zaštiti i subvencijama lokalnih privrednika, da kroz konkretne i kvalitetne programe stimuliše širenje lokalnih firmi u druge općine, a ne slaviti dolazak stranih firmi i brendova koji u Kakanj dolaze isključivo da poberu novac uz minimalna ulaganja. Druga inicijativa je upućena JP „Enegokom“ kojom traži da mu se dostave kopije zahtjeva i naloga na osnovu kojeg je vršeno utvrđivanje kvalitete grijanja u stanu porodice Huskić dana 22.01.2026. godine, kao i Izvještaja koji je sačinjen nakon navedenog mjerenja. Razloga za inicijativu je što postoji sumnja u zloupotreba resursa u javnom preduzeću, jer je kontrola uslijedila nakon što je na Kolegiju OV predložio da se u dnevni red sjednice Vijeća uvrsti Informacija o stanju sistema grijanja i toku tekuće grejne sezone, a sve imajući u vidu česte pritužbe građana na loš kvalitet grijanja. Napomenuo je da nikakav zahtjev od strane porodice Huskić nije upućen JP „Enegokom“ u kojem se traži navedena usluga/mjera.

Predsjedavajući je konstatovao da su vijećnici: Armin Bašić, Sanel Šabanović i Edin Šljivo podnijeli vijećničke inicijative bez korištenja govornice.

Armin Bašić: je pokrenuo vijećničku inicijativu za hitnu organizacionu izmjenu i dopunu saobraćajnog projekta gradskih saobraćajnica sa nužnim proširenjem obuhvata na periferne dijelove i prigradska naselja. Razlog za inicijativu su svakodnevni zastoji u saobraćaju, te narušena bezbjednost pješaka i drugih učesnika u saobraćaju.

Sanel Šabanović: je pokrenuo dvije vijećničke inicijative. Prva inicijativa za postavljanje kamera videonadzora na lokaciji Park prijateljstva u Kaknju. Inicijativu je podnio u cilju unapređenja sigurnosne situacije na području općine Kakanj imajući, a imajući u vidu da Park prijateljstva predstavlja jednu od najposjećenijih javnih površina u Kaknju, koju koriste djeca, mladi, porodice i starije osobe. Predlaže da se postave kamere videonadzora na ključnim tačkama parka, uključujući centralnu zonu, prilazne staze, dječije igralište i dijelove s većom frekvencijom građana u večernjim satima. Videonadzor bi trebao biti integrisan u sistem MUP-a ZDK kako bi se omogućilo kontinuirano praćenje i pravovremeno reagovanje. Druga inicijativa se odnosi na dodjelu i označavanje parking mjesta Udruženju roditelja djece sa poteškoćama u razvoju „Djeca sa izazovom“ Kakanj. Predlaže da se ovom Udruženju dodijeli jedno parking mjesto na korištenje, da se isto označi prigodnom vertikalnom i horizontalnom signalizacijom, a sve kako bi se olakšao pristup prostoru u kojem djeca borave, kako djeci tako i njihovim roditeljima.

Edin Šljivo: je pokrenuo dvije vijećničke inicijative. Prva inicijativa za izgradnju širokog usporivača brzine na regionalnom putu R-466 u naselju Podbjelavići. Naime, na navedenoj cesti u blizini benzinske pumpe „Best“ potrebno je izgraditi usporivač brzina i pješački prelaz sa signalizacijom, obzirom da je put frekventan sa ograničenjem brzine od 50 km/h, a na tom mjestu prelaze građani do ambulante koja se nalazi u zgradi benzinske pumpe, te djeca iz gornjeg dijela naselja prelaze put do trotoara koji vodi do OŠ „Omer Mušić“, odnosno sa autobusnog stajališta prelaze na trotoar i obratno. Izgradnjom usporivača bi se značajno povećala sigurnost pješaka i ostalih učesnika u saobraćaju. Druga inicijativa se odnosi na uređenje javnih površina i infrastrukture u Ulici bratstva i jedinstva u MZ Povezica (od mosta Zlatinih ljiljana do Cementarskog mosta). Inicijativa obuhvata radove sanacije i farbanja zaštitne ograde na šetnici pored rijeke Bosne, sanaciju i zamjenu oštećenih drvenih klupa na šetalištu, sanaciju udarnih rupa na saobraćajnici u navedenoj ulici, orezivanje drveća i šiblja koje zauzima dio puta i samim tim smanjuje preglednost puta vozačima

Utvrđivanje dnevnog reda

Prijedlog dnevnog reda je usaglašen na sjednici Kolegija 23.03.2026. godine, pa je predsjedavajući za današnju sjednicu predložio dnevni red po pozivu za 16. redovnu sjednicu. Na zahtjev predlagrača povučene su prve dvije tačke dnevnog reda: „*Prijedlog odluke o izmjenama i dopunama Regulacionog plana „Kakanj“ i Prijedlog odluke o provođenju Regulacionog plana „Kakanj“*“. Vijeće je raspravljalo o 14 tačaka dnevnog reda.

U diskusiji o dnevnom redu nije niko učestvovao i Vijeće je usvojilo dnevni red jednoglasno sa 28 glasova ZA.

Usvojeni dnevni red

1. Prijedlog odluke o uslovima korištenja električnih romobila i njima sličnih pomoćnih prevoznih sredstava
2. Prijedlog odluke o utvrđivanju kriterija, načina obračuna, postupka dodjele, potrebne dokumentacije i obaveza korisnika finansijske podrške za obavljanje djelatnosti od društvene koristi – javni prevoz putnika za 2026. godinu
3. Prijedlog odluke o visini prosječne konačne građevinske cijene iz prethodne godine po m² korisne stambene površine na području općine Kakanj
4. Prijedlog odluke o dodjeli Petnaestoaprilskih priznanja Općine Kakanj za 2026. godinu
5. Prijedlog odluke o davanju saglasnosti na Pravilnik o vlastitim prihodima Općine Kakanj
6. Godišnji izvještaj o stanju duga, zaduživanju i datim garancijama za period 01.01.2025-31.12.2025. godine
7. Izvještaj o finansijskoj reviziji Općine Kakanj u 2024. godini od strane Ureda za reviziju institucija F BiH i Akcioni plan za provođenje prihvaćenih preporuka za 2024. godinu
8. Izvještaj o ostvarivanju politike jedinice lokalne samouprave i aktivnostima općinskog načelnika za 2025. godinu
9. Izvještaj o radu Općinskog pravobranilaštva Općine Kakanj za 2025. godinu
10. Izvještaj o radu JU „Kulturno-sportski centar“ Kakanj sa finansijskim izvještajem za 2025. godinu.
11. Plan rada JU „Kulturno-sportski centar“ Kakanj sa finansijskim planom za 2026. godinu
12. Godišnji izvještaj o radu sa finansijskim izvještajem Turističke zajednice Općine Kakanj za period juni-decembar 2025. godine
13. Program rada sa finansijskim planom Turističke zajednice Općine Kakanj za 2026. godinu
14. Informacija o radu Udruženja „Razvojni centar općine Kakanj“ za 2025. godinu

Tačka 1.

Prijedlog odluke o uslovima korištenja električnih romobila i njima sličnih pomoćnih prevoznih sredstava

Predlagač: Općinski načelnik

Obrađivač: Komisija za izradu izmjena i dopuna Odluke o organizaciji i sigurnosti saobraćaja na putevima

Izjavitelj: Amir Dedić, predsjednik Komisije

U diskusiji je učestvovao Armin Bašić.

Armin Bašić: je rekao da podržava donošenje ovog akta, a da će se implementacijom Odluke poboljšati stanje sigurnosti saobraćaja na području općine, te pozvao vijećnike da istu usvoje.

Nakon diskusije Vijeće je usvojilo Odluku o uslovima korištenja električnih romobila i njima sličnih pomoćnih prevoznih sredstava jednoglasno sa 26 glasova ZA.

Tačka 2.

Prijedlog odluke o utvrđivanju kriterija, načina obračuna, postupka dodjele, potrebne dokumentacije i obaveza korisnika finansijske podrške za obavljanje djelatnosti od društvene koristi – javni prevoz putnika za 2026. godinu

Predlagač: Općinski načelnik

Obrađivač: Služba za privredu, urbanizam i zaštitu okoline

Izjavitelj: Mirza Fazlić, pomoćnik općinskog načelnika

U diskusiji nije niko učestvovao i Vijeće je usvojilo Odluku o utvrđivanju kriterija, načina obračuna, postupka dodjele, potrebne dokumentacije i obaveza korisnika finansijske podrške za obavljanje djelatnosti od društvene koristi – javni prevoz putnika za 2026. godinu, jednoglasno sa 28 glasova ZA.

Tačka 3.

Prijedlog odluke o visini prosječne konačne građevinske cijene iz prethodne godine po m² korisne stambene površine na području općine Kakanj

Predlagač: Općinski načelnik

Obrađivač: Služba za privredu, urbanizam i zaštitu okoline

Izjavitelj: Mirza Fazlić, pomoćnik općinskog načelnika

U diskusiji nije niko učestvovao i Vijeće je usvojilo Odluku o visini prosječne konačne građevinske cijene iz prethodne godine po m² korisne stambene površine na području općine Kakanj sa 26 glasova ZA, bez glasova PROTIV i 2 glasa UZDRŽAN.

Tačka 4.

Prijedlog odluke o dodjeli Petnaestoaprilskih priznanja Općine Kakanj za 2026. godinu

Predlagač: Komisija za dodjelu Petnaestoaprilskih priznanja

Obrađivač: Stručna služba za poslove Općinskog vijeća

Izjavitelj: Tarik Hodžić, predsjednik Komisije

U diskusiji je učestvovao Dževdet Huskić.

Dževdet Huskić: je rekao da, kao i dosad, nema nikakvih obrazloženja za predložene dobitnike, te da je evidentno da je prijava svake godine sve manje, što ukazuje na to građani nemaju povjerenje u to da će se njihove prijave razmatrati ikako drugačije već kroz političku prizmu.

Nakon diskusije Vijeće je usvojilo Odluku o dodjeli Petnaestoaprilskih priznanja Općine Kakanj za 2026. godinu sa 23 glasa ZA, 2 glasa PROTIV i 2 glasa UZDRŽAN. Vijeće je dodijelilo Grb Općine Kakanj Mirnesu Bajtareviću, Plakete sa diplomom: Senki Balorda i JU Centar za socijalni rad Kakanj, a Zahvalnice: Ljubi Šarac, Nailu Begiću i Neformalnoj grupi građana „Kilometar života“.

Tačka 5.

Prijedlog odluke o davanju saglasnosti na Pravilnik o vlastitim prihodima Općine Kakanj

Predlagač: Općinski načelnik

Obrađivač: Služba za finansije

Izjavitelj: Ramiz Hasić, pomoćnik općinskog načelnika

U diskusiji nije niko učestvovao i Vijeće je usvojilo Odluku o davanju saglasnosti na Pravilnik o vlastitim prihodima Općine Kakanj sa 27 glasova ZA, bez glasova PROTIV i 1 glas UZDRŽAN.

Usljedila je pauza u radu Vijeća od 10'.

Tačka 6.

Godišnji izvještaj o stanju duga, zaduživanju i datim garancijama za period 01.01.2025-31.12.2025. godine

Predlagač: Općinski načelnik

Obrađivač: Služba za finansije

Izjavitelj: Ramiz Hasić, pomoćnik općinskog načelnika i Mirnes Bajtarević, općinski načelnik

U diskusiji nije niko učestvovao i Vijeće je usvojilo Godišnji izvještaj o stanju duga, zaduživanju i datim garancijama za period 01.01.2025-31.12.2025. godine, jednoglasno sa 28 glasova ZA.

Tačka 7.

Izvještaj o finansijskoj reviziji Općine Kakanj u 2024. godini od strane Ureda za reviziju institucija F BiH i Akcioni plan za provođenje prihvaćenih preporuka za 2024. godinu

Predlagač: Općinski načelnik

Obrađivač: Služba za finansije

Izjavitelj: Ramiz Hasić, pomoćnik općinskog načelnika

U diskusiji je učestvovao Dževdet Huskić.

Dževdet Huskić: je rekao da revizija ne pokazuje šta nije pravilno urađeno već pokazuje manjkavosti sistema da te greške ispravi, obzirom da se u dvije revizije nepravilnosti ponavljaju. To se odnosi na javne nabavke, dokumentaciju, planiranje i izvršenje budžeta i uključivanje Zavoda za planiranje općine Kakanj u trezorsko poslovanje. Revizija je pokazala da se formalno može ispoštovati propis, ali suštinski nema pomaka ako se procedure predviđene propisom dosljedno i ne provode. Dodao je da nije problem to što revizija otkrije nepravilnosti, već što se nakon uočenih propusta ništa ne mijenja.

Općinski načelnik: je rekao da je u 2024. godini Ured za reviziju institucija F BiH vršio reviziju u 25 lokalnih zajednica i da nijedna nije dobila pozitivno mišljenje, negativnih mišljenja je bilo nekoliko dok je većina lokalnih zajednica dobila mišljenje s rezervom. U vezi Općine Kakanj specifično je što je u proteklih 5 godina dva puta bila predmet revizije, uz reviziju JP „Energokom“ d.o.o. Kakanj, reviziju Zavoda za planiranje i izgradnju općine Kakanj i dolazak budžetskog inspektora ZDK po nalogu Federalnog tužilaštva. Rekao je da je revizija uvijek dobrodošla jer pokazuje put za unapređenje rada organa uprave. Dodao je da je popunjeno radno mjesto šefa interne revizije i da se trenutno popunjava mjesto za još jednog internog revizora. Što se preporuka tiče, rekao je da je u reviziji iz 2020. godine bilo njih 29, a sad 15, te da je provedeno više od pola njih, a ostale su u realizaciji i privode se kraju. Na kraju je rekao da Općina Kakanj, obzirom na ukupan broj preporuka u obje revizije, odražava ozbiljnost i savjesnost u radu državnih službenika i namještenika, te da je na dobrom putu da dobije i pozitivno mišljenje.

Nakon diskusije Vijeće je usvojilo Izvještaj o finansijskoj reviziji Općine Kakanj u 2024. godini od strane Ureda za reviziju institucija F BiH i Akcioni plan za provođenje prihvaćenih preporuka za 2024. godinu, jednoglasno sa 26 glasova ZA.

Tačka 8.

Izveštaj o ostvarivanju politike jedinice lokalne samouprave i aktivnostima općinskog načelnika za 2025. godinu

Predlagač: Općinski načelnik

Obrađivač: Stručna služba za poslove Općinskog načelnika

Izjestilac: Mirnes Bajtarević, općinski načelnik

U diskusiji je učestvovao Dževdet Huskić.

Dževdet Huskić: se osvrnuo na tzv. dvosmjernu komunikaciju s građanima koja nije tretirana u Izveštaju. Dodao je da se „komunikacija“ svodi na jednosmjerno informisanje građana, kao i na platforme koje daju sliku samopromocije pojedinaca ne institucije, a finansiraju se javnim sredstvima. Rekao je da komunikacija mora biti dvosmjerna, otvorena i dostupna svima kao i institucionalna.

Nakon diskusije Vijeće je usvojilo Izveštaj o ostvarivanju politike jedinice lokalne samouprave i aktivnostima općinskog načelnika za 2025. godinu, sa 21 glasom ZA, 2 glasa PROTIV i 2 glasa UZDRŽAN.

Tačka 9.

Izveštaj o radu Općinskog pravobranilaštva Općine Kakanj za 2025. godinu

Predlagač: Općinsko pravobranilaštvo

Obrađivač: Općinsko pravobranilaštvo

Izjestilac: Elvedin Mamela, općinski pravobranilac

U diskusiji nije niko učestvovao i Vijeće je usvojilo Izveštaj o radu Općinskog pravobranilaštva Općine Kakanj za 2025. godinu, sa 21 glasom ZA, bez glasova PROTIV i 3 glasa UZDRŽAN.

Vijeće je vodilo objedinjenu raspravu po tačkama 10 i 11. dnevnog reda.

Tačka 10.

Izveštaj o radu JU „Kulturno-sportski centar“ Kakanj sa finansijskim izvještajem za 2025. godinu

Tačka 11.

Plan rada JU „Kulturno-sportski centar“ Kakanj sa finansijskim planom za 2026. godinu

Predlagač: UO JU „Kulturno-sportski centar“ Kakanj

Obrađivač: UO JU „Kulturno-sportski centar“ Kakanj

Izjestilac: Dženan Ajdinović, direktor JU i Nihad Tukić, predsjednik UO JU „Kulturno-sportski centar“ Kakanj

U diskusiji su učestvovali Hamza Vahid El-Din i Dževdet Huskić.

Hamza Vahid El-Din: je pohvalio izlaganje i rad direktora Ajdinovića kao i akte koje je prezentirao Vijeću. Dodao je da je dijapazon rada Ustanove raznovrstan, ali da to ne umanjuje kvalitet usluga koje ustanova pruža, a isto tako daje mogućnost lokalnim talentima da se pronađu u nekoj od aktivnosti.

Dževdet Huskić: se složio sa izlaganjem prethodnika i rekao da je rad Ustanove za svaku pohvalu što pokazuje i kontinuiran rad i prošle i sadašnje Uprave. Naglasio je primjernost komunikacije s građanima, te promociju medijskih sadržaja ove javne ustanove i pohvalio rad tima koji radi u tom sektoru.

Nakon rasprave Vijeće je usvojilo Izveštaj o radu JU „Kulturno-sportski centar“ Kakanj sa finansijskim izvještajem za 2025. godinu, jednoglasno sa 23 glasa ZA. Istim brojem glasova usvojen je i Plan rada JU „Kulturno-sportski centar“ Kakanj sa finansijskim planom za 2026. godinu. Od glasanja se po obje tačke izuzeo Dženan Ajdinović.

Vijeće je vodilo objedinjenu raspravu po tačkama 12 i 13. dnevnog reda.

Tačka 12.

Godišnji izvještaj o radu sa finansijskim izvještajem Turističke zajednice Općine Kakanj za period juni-decembar 2025.godine

Tačka 13.

Program rada sa finansijskim planom Turističke zajednice Općine Kakanj za 2026.godinu

Predlagač: NO Turističke zajednice Općine Kakanj

Obradivač: NO Turističke zajednice Općine Kakanj

Izjestilac: Alem Škulj, predsjednik NO Turističke zajednice Općine Kakanj

U diskusiji su učestvovali Dževdet Huskić i Mirnes Pipo.

Dževdet Huskić: je podsjetio da je podržao osnivanje Turističke zajednice kao i njen prošlogodišnji Program, te da je primjereno da se oglasi i o Izvještaju. Rekao je da je Izvještaj pregled aktivnosti koje nemaju mjerne vrijednosti u smislu ostvarenja ciljeva i generalno rezultata i efekata rada. Dodao je da se turizam ne smije svoditi na manifestacije, naročito one koje su naslijeđene odranije. Predložio je da se u narednom periodu jasno definišu ciljevi, da se uvedu obavezni pokazatelje uspješnosti i da svaki projekt ima mjerljive rezultate. Upitao je koji su mjerljivi rezultati Turističke zajednice u prošloj godini, koji projekt bi se izdvojio kao najznačajniji i kako pospiješiti rad Turističke zajednice da turizam bude prisutan tokom cijele godine, a ne samo periodično.

Mirnes Pipo: se složio sa diskusijom vijećnika Huskića i naglasio da nisu obuhvaćene sve historijski značajne lokacije i ličnosti kao ni potencijali u Kaknju, kao to su: Turski sud u Donjem Kaknju, steći u Tičićima, turska i grčka groblja, termalna voda u Tičićima, kao i dva šehida iz 1697. godine.

Alem Škulj: se zahvalio na korektnoj diskusiji i prijedlozima koje su vijećnici iznijeli i zamolio da svoje primjedbe i sugestije koje su iznijeli za govornicom pismeno dostave kako bi se one koje su prihvatljive realizovale u narednom periodu. Još je dodao u vezi boravišnih taksi, da Turistička zajednica radi na tome da se i privatni objekti obuhvate evidencijom tako da će podaci ubuduće biti cjeloviti.

Nakon rasprave Vijeće je usvojilo Godišnji izvještaj o radu sa finansijskim izvještajem Turističke zajednice Općine Kakanj za period juni-decembar 2025. godinu, sa 20 glasova ZA, 2 glasa PROTIV i 2 glasa UZDRŽAN. Istim brojem glasova usvojen je i Program rada sa finansijskim planom Turističke zajednice Općine Kakanj za 2026. godinu.

Tačka 14.

Informacija o radu Udruženja „Razvojni centar općine Kakanj“ za 2025. godinu

Predlagač: Udruženje „Razvojni centar općine Kakanj“

Obradivač: Udruženje „Razvojni centar općine Kakanj“

Izjestilac: Aldin Čatić, direktor Udruženja „Razvojni centar općine Kakanj“

U diskusiji nije niko učestvovao i Vijeće je usvojilo Zaključak o primanju k znanju Informaciju o radu Udruženja „Razvojni centar općine Kakanj“ za 2025. godinu, sa 20 glasova ZA, bez glasova PROTIV i 4 glasa UZDRŽAN.

Sjednica se završila u 12:10'.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog Zapisnika.

**SEKRETAR
OPĆINSKOG VIJEĆA**
Emir Zaimović

**PREDSJEDAVAJUĆI
OPĆINSKOG VIJEĆA**
Slaven Katičić